



REPUBLIKA E SHQIPËRISË

BASHKIA LUSHNJE
NJËSIA E PROKURIMIT

Nr. _____ Prot.

Lushnjë, më ____ . ____ 2026

PROCESVERBAL

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

Objekti i prokurimit:

“Blerje mjete buldozer”

Kodi përkatës në fjalorin e përbashkët të prokurimit (CPV):

43211000-5 Buldozerë

Vlera e fondit limit:

5416 666,67 (pesë milion e katërqind e gjashtëmbëdhjetë mijë e gjashtëqind e gjashtëdhjetë e gjashtë presje gjashtëdhjetë e shtatë) Lekë pa TVSH.

***Argumentimi:** Fondi limit është llogaritur nga grupi i punës , i ngritur nga Titullari i Autoritetit Kontraktor, me Urdhrin nr.212, datë 20.07.2026, duke iu përmbajtur dispozitave të nenit 35 të ligjit nr.162 datë 23.12.2020 “Për prokurimin publik”, i ndryshuar si dhe nenit 76 pika 1.b të V.K.M. nr 285 dt.19.05.2021 “Për miratimin e rregullave të prokurimit publik” i ndryshuar.*

Në bazë të nenit 21, pika 2, të Ligjit nr.162/2020 “Për prokurimin publik”, i ndryshuar, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”, i ndryshuar, autoriteti kontraktor Bashkia Lushnjë ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT

1. Ofertuesi duhet të paraqesë:

a. Formularin Përmbledhës të Vetëdeklarimit, sipas shtojcës 9;

b. Sigurimin e Ofertës, sipas Shtojcës 4;

***Argumentimi:** Kërkesat e mësipërme bazohen në nenet 76, 82 dhe 83 të Ligjit nr.162/2020, datë 23.12.2020 “Për prokurimin publik”, dhe nenet 26 dhe 29, të VKM nr. 285, datë 19.05.2021 “Për miratimin e rregullave të prokurimit publik”, i ndryshuar.*

2. Ofertuesi duhet të paraqesë:

2.1. Përshtatshmëria për të kryer veprimtarinë profesionale (nëse është e aplikueshme):

Kjo pikë plotësohet me paraqitjen e Formularit Përmbledhës të Vetëdeklarimit të operatorit ekonomik në ditën e hapjes së Ofertës, sipas Shtojcës 8.

***Argumentimi:** Kërkesa e mësipërme bazohet në nenin 77, pika 1/a dhe 2, të LPP, i ndryshuar, nenit 40, pika 5, të VKM nr.285, datë 19.05.2021 “Për miratimin e rregullave të prokurimit publik”, i ndryshuar.*

2.2 Kapaciteti ekonomik dhe financiar:

2.2.1 Për të provuar kapacitetet financiare dhe ekonomike, operatorët ekonomikë duhet të paraqesin vërtetim të lëshuar nga Administrata Tatimore për xhiron vjetore për tre vitet e fundit financiare, ku vlera e xhiros për të paktën një nga vitet e periudhës së kërkuar duhet të jetë jo më e vogël se: **2 166 666,67 (dy milion e njëqind e gjashtëdhjetë e gjashtë mijë e gjashtëqind e gjashtëdhjetë e gjashtë presje gjashtëdhjetë e shtatë) Lekë Pa Tvsh , 40%** e vlerës së fondit limit të kontratës që prokurohet.

***Argumentimi:** Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP i ndryshuar, si dhe nenin 43, të VKM nr. 285, datë 19.05.2021 “Për miratimin e rregullave të prokurimit publik”, i ndryshuar.*

Përcaktimi i vlerës së kërkuar, argumentohet si vijon: Vlera e xhiros së kërkuar është vendosur duke pasur në konsideratë objektin e kontratës, natyrën dhe volumin e saj. Vlera e marzhit të xhiros së kërkuar në kufirin e përcaktuar më sipër, konsiderohet tregues i rëndësishëm dhe i shërben Autoritetit Kontraktor për njohjen e gjendjes së kapacitetit ekonomik dhe financiar të Operatorit Ekonomik Ofertues. Gjithashtu, gjykohet se përcaktimi i vlerës së xhiros në këtë nivel, jep mundësinë e aksesimit, pjesëmarrjes dhe ofertimit në këtë procedurë edhe të biznesit të vogël dhe të mesëm.

Përcaktimi i viteve të kërkuara për paraqitjen e vërtetimit të xhiros vjetore është bërë bazuar në nenin 43, të VKM nr. 285, datë 19.05.2021 “Për miratimin e rregullave të prokurimit publik”, i ndryshuar, si dhe nenin 64, të Ligjit nr.9920, datë 19.05.2008 “Për procedurat tatimore në Republikën e Shqipërisë”, i ndryshuar.

2.3. Kapaciteti teknik:

Lidhur me kapacitetet/aftësinë teknike e profesionale, Operatori Ekonomik duhet të përmbushë kërkesat e mëposhtme:

2.3.1. Për të provuar përvojën e mëparshme të suksesshme, kërkohen dëshmi për furnizime të mëparshme, të ngjashme, të realizuara gjatë tre viteve të fundit nga data e shpalljes së njoftimit të kontratës, në një vlerë jo më të vogël se: **1 083 333,33 (një milion e tetëdhjetë e tre mijë e treqind e tridhjetë e tre presje tridhjetë e tre) 20%** e vlerës së përlogaritur të kontratës që prokurohet.

Për të vërtetuar këtë Operatori Ekonomik duhet të paraqesë:

- a. Autoriteti/enti kontraktor si dëshmi për përvojën e mëparshme kërkon vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës ose/dhe fatura tatimore të shitjes, të

plotësuar sipas kërkesave të legjislacionit në fuqi, ku shënohen datat, shumat dhe sasitë e mallrave të furnizuara.

- a. Në rastin e përvojës së mëparshme të realizuar me sektorin privat, si dëshmi pranohen vetëm fatura tatimore të shitjes, të plotësuar sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasitë e mallrave të furnizuara”.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik”, i ndryshuar, në nenin 40, pika 4 dhe në nenin 55, pika 4/b, të VKM nr. 285, datë 19.05.2021 “Për miratimin e Rregullave të Prokurimit Publik”, i ndryshuar. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që furnizimet e mëparshme të ngjashme të jenë në vlerën jo më pak se 20 % të vlerës së fondit limit, që është brenda vlerës kufi të përcaktuar në nenin e sipërcituar.

2.3.2 Operatori/et ekonomik duhet të paraqesin çertifikatat e cilësisë së punimeve, të vlefshme (ose ekuivalente) për objektin që prokurohet, si më poshte

Çertifikatën e menaxhimit të cilësisë **ISO 9001:2015 (e vlefshme)**, objekt i së cilës të jetë në përputhje me objektin e prokurimit e akredituar nga DPA ose nga Organizma Ndërkombëtarë Akreditues, të njohur nga Republika e Shqipërisë.

Argumentim: Kërkesat e cilësisë të përcaktuara sipas pikës 10 gërma “a”- “c” janë vendosur në mbështetje të Ligjit Nr. 162/2020 “Për Prokurimin Publik”, i ndryshuar, Neni 79, pika 1 ku citohet se: “Autoriteti ose enti kontraktor për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikata të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë”, si dhe në zbatim të Neni 44, pika 1 dhe pika 3 të VKM Nr. 285, datë 19.05.2021 “Për miratimin e rregullave të prokurimit publik” i ndryshuar, ku përcaktohet se:

“Autoriteti/enti kontraktor, për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikata të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë, vetëm nëse ato janë të argumentuara dhe të lidhura ngushtësisht dhe në mënyrë të drejtpërdrejtë me objektin e prokurimit”.

ISO 9001:2015 është një seri normash dhe standartizimesh ndërkombëtare, që i referohen sistemeve të menaxhimit të cilësisë, pra, të strukturave të organizimit të ndërmarrjeve publike dhe private, struktura të cilat këto ndërmarrje duhet t’i adoptojnë për një orientim më të mirë të ndërmarrjes në standartet e tregut. AK gjykon se çdo Ofertues duhet të jetë i pajisur me ISO 9001:2015 me qëllim efektivitetin dhe efektshmërinë në zhvillimin e veprimtarisë së tij, e cila do të sjellë dhe zvogëlimin e kostove. Pra ky certifikim do të bëjë të mundur që Ofertuesit të ofrojnë cilësi të mirë me çmime të ulta.

2.3.3. Operatori ekonomik duhet të deklarojë për mjetin që oferton llojin e tij (marka, modeli, viti i prodhimit, numri i identifikimit të tij) të shoqëruar me foto nga të gjitha anët dhe me dokumentacionin përkatës (katalog/skedë teknike/librezë/leje qarkullimi), ku të tregohen dhe të markohen qartë karakteristikat teknike të mjetit të ofruar, në mënyrë që të krahasohet pajtueshmëria e tij me specifikimet teknike dhe standartet e kërkuara në dokumentat standarte të tenderit, të përcaktuara në Shtojcën 6 të DST-së në mënyrë që të verifikohet pajtueshmëria e parametrave teknike të mjetit me specifikimet teknike të kërkuara nga AK. Gjithashtu duhet të deklarohen orët e punës, të shoqëruara me foto të treguesit të orëve të punës.

[Nese materiali/et te cilat do te paraqiten per te permbushur kriterin e mesiperme jane ne gjuhe te huaj, ato duhet te perkthehen ne shqip per pjesen e te dhenave teknike te kerkuara si dhe te noterizuara].

Argumentimi: Kërkesa e mësipërme është përcaktuar bazuar në nenin 77 të ligjit nr.162, datë 23.12.2020 “Për prokurimin publik” i ndryshuar dhe nenit 40, pika 6/b, të VKM nr. 285, datë 19.05.2021 “Për miratimin e Rregullave të Prokurimit Publik” i ndryshuar, ku citohet: “Autoriteti/enti kontraktor mund t’u kërkojë operatorëve ekonomikë të dorëzojnë dëshmi, që tregojnë se ata i plotësojnë kërkesat minimale, të përcaktuara në dokumentet e tenderit, si: b. fotografitë apo katalogët teknikë;”

Paraqitja e katalogëve eshte kerkuar me qellim verifikimin e perputhshmerise se mallrave qe operatori ekonomik oferton, me specifikimet teknike te percaktuara ne DST

2.3.4. Operatori Ekonomik pjesëmarres duhet të paraqesë deklaratë garancie për mallrat e ofertuara, në të cilën të jenë të përcaktuar dhe përshkruar qartë të gjithë termat dhe kushtet e garancisë teknike që mbulon ofertuesi. Periudha e garancisë teknike të fillojë nga data e marrjes në dorëzim të mallrave dhe në afatin që është përcaktuar në specifikimet teknike.

Argumentimi: Në bazë të nenit të 77 të ligjit nr. 162, datë 23.12.2020 “Për prokurimin publik”, i ndryshuar dhe nenit 40 të VKM nr. 285, datë 19.05.2021, “Për miratimin e Rregullave të Prokurimit Publik”, i ndryshuar

Vendosja e këtij kriteri, referuar edhe legjislacionit në fuqi i shërben autoritetit kontraktor për t’u garantuar se mallrat objekt prokurimi do të përmbushin kërkesat teknike dhe do të mbulohen të gjitha problematikat (defektet) që mund të lindin, jo për shkak të Autoritetit.

2.3.5. Operatori ekonomik pjesëmarres duhet të paraqesë një deklaratë ku garanton kryerjen e shërbimeve për riparimin e mjeteve, gjatë periudhës së garancisë.

Argumentimi: Kërkesa e mësipërme bazohet në nenin 77 të ligjit Nr. 162, datë 23.12.2020 “Për prokurimin publik”, i ndryshuar dhe në nenin 40 të VKM Nr. 285, datë 19.05.2021 “Për miratimin e rregullave të prokurimit publik”, i ndryshuar. Vendosja e këtij kriteri, referuar edhe legjislacionit në fuqi i shërben autoritetit kontraktor për t’u garantuar se mallrat objekt prokurimi do të përmbushin kërkesat teknike dhe do të mbulohen të gjitha problematikat (defektet) që mund të lindin, jo për shkak të Autoritetit.

2.3.6. Operatori ekonomik duhet të paraqesë një deklaratë me anë të së cilës të deklarojë se dorëzimi i mjeteve do të shoqërohet me dokumentacionin e plotë.

Argumentimi: Në bazë të nenit të 77 të ligjit nr. 162, datë 23.12.2020 “Për prokurimin publik” i ndryshuar dhe nenit 40 të VKM nr. 285, datë 19.05.2021, “Për miratimin e Rregullave të Prokurimit Publik” i ndryshuar. Vendosja e kriterit, referuar edhe legjislacionit në fuqi i shërben autoritetit kontraktor për t’u garantuar se mjeti do të dorezohet pranë AK i pajisur me të gjithë dokumentacionin e rregullt tekniko-ligjor, i gatshëm për qarkullim rrugor në emër të Bashkisë Lushnjë.

Argumentimi i specifikimeve teknike

Specifikimet teknike janë të hartuara nga Grupi i Punës i ngritur nga Titullari i Autoritetit Kontraktor, me Urdhrin nr.212, datë 20.07.2026, gjenden në Shtojcën 6 të DST.

Kriteret teknike janë hartuar nga Specialisti i Fushës, anëtar i Njësise së Prokurimit.

Viti i prodhimit: Jo më i hershëm se viti 2016

Argumentim:

Kufizimi i vitit të prodhimit synon sigurimin e një mjeti me teknologji më bashkëkohore, konsum më të ulët karburanti, nivel më të lartë sigurie dhe besueshmërie, si dhe disponueshmëri të pjesëve të këmbimit dhe shërbimeve të mirëmbajtjes. Ky kriter redukton rrezikun e blerjes së mjeteve me konsum të lartë ose amortizim të konsiderueshëm.

Gjendja: I përdorur, në gjendje të mirë teknike dhe funksionale

Argumentim:

Blerja e një mjeti të përdorur është zgjidhja më ekonomike. Kërkesa për gjendje të mirë teknike garanton që mjeti të jetë funksional dhe i gatshëm për përdorim të menjëhershëm pa investime shtesë të konsiderueshme.

Orët e punës: Jo më shumë se 10,000 orë pune

Argumentim:

Numri i orëve të punës është një tregues i rëndësishëm i konsumimit të mjetit. Kufizimi në maksimum 10,000 orë synon të sigurojë një jetëgjatësi të mbetur të konsiderueshme, ulje të kostove të mirëmbajtjes dhe rritje të besueshmërisë gjatë përdorimit.

Pesha operative: Jo më pak se 15,000 kg

Argumentim:

Pesha operative siguron forcën dhe stabilitetin e nevojshëm për largimin e masave të mëdha të dheut, gurëve, trungjeve dhe materialeve të tjera që bllokojnë rrugët.

Fuqia neto e motorit: Jo më pak se 97 kW

Argumentim:

Fuqia minimale prej 97 kW siguron performancë të mjaftueshme për punime të vazhdueshme në terrene të vështira, duke garantuar produktivitet të lartë dhe funksionim normal të të gjitha sistemeve hidraulike të mjetit.

Motori: Diesel, me ftohje me ujë

Argumentim:

Kërkohet që buldozeri të jetë i pajisur me motor diesel me sistem ftohjeje me ujë, pasi ky lloj motori ofron çift rrotullues të lartë në regjime të ulëta, karakteristikë e domosdoshme për kryerjen e punimeve të rënda. Sistemi i ftohjes me ujë siguron disipim efikas të nxehtësisë, funksionim të qëndrueshëm gjatë punës së vazhdueshme nën ngarkesë dhe zvogëlon rrezikun e mbinxehjes së motorit. Kjo garanton besueshmëri më të lartë të mjetit, jetëgjatësi të komponentëve kryesorë dhe ndërhyrje të pandërprera në raste emergjente.

Gjerësia e thikës: Jo më pak se 3 m

Argumentim:

Gjerësia minimale prej 3 metrash siguron produktivitet më të lartë në nivelimin dhe sistemimin e terrenit, duke reduktuar numrin e kalimeve dhe kohën e nevojshme për realizimin e punimeve.

Thikë Shumëfunksionale hidraulike

Argumentim:

Mundësia e animit dhe orientimit të thikës lejon largimin e materialeve në anët e rrugës pa qenë nevoja për manovra të shumta, duke rritur efikasitetin në situata emergjente.

Komandim plotësisht hidraulik

Argumentim:

Komandimi hidraulik siguron kontroll të saktë dhe të sigurt të thikës, rrit efikasitetin operacional dhe zvogëlon lodhjen e operatorit gjatë punës.

Sistemi hidraulik plotësisht funksional

Argumentim:

Sistemi hidraulik është elementi kryesor i funksionimit të buldozerit. Funksionimi korrekt i tij garanton realizimin e të gjitha operacioneve të punës në mënyrë të sigurt dhe efikase.

Pa rrjedhje vaji

Argumentim:

Mungesa e rrjedhjeve të vajit është tregues i gjendjes së mirë teknike të sistemit hidraulik, ul kostot e mirëmbajtjes dhe shmang ndotjen e mjedisit.

Funksionim normal i të gjitha komandave

Argumentim:

Kjo kërkesë garanton që të gjitha funksionet e mjetit të jenë të përdorshme sipas parametrave të prodhuesit, duke siguruar punë të pandërprerë dhe të sigurt.

Kabinë e mbyllur

Argumentim:

Kabina e mbyllur mbron operatorin nga pluhuri, reshjet atmosferike, temperaturat ekstreme dhe faktorët e tjerë mjedisorë, duke rritur sigurinë dhe komoditetin gjatë punës.

Sistem ngrohjeje**Argumentim:**

Siguron kushte të përshtatshme pune gjatë sezonit të dimrit dhe temperaturave të ulëta.

Sistem ventilimi ose kondicioneri**Argumentim:**

Përmirëson kushtet e punës gjatë temperaturave të larta, redukton lodhjen e operatorit dhe ndikon pozitivisht në produktivitet.

Fshirëse dhe larëse xhami**Argumentim:**

Garantojnë shikueshmëri të mirë gjatë reshjeve ose në ambiente me pluhur, duke rritur sigurinë gjatë operimit.

Alarm për ecjen prapa**Argumentim:**

Sinjalizon personat pranë mjetit gjatë lëvizjes në marshin mbrapa dhe ul rrezikun e aksidenteve në kantier.

Fenerë pune**Argumentim:**

Sigurojnë ndriçim të mjaftueshëm gjatë punimeve në kushte me ndriçim të kufizuar ose gjatë natës, duke garantuar sigurinë dhe vazhdimësinë e punimeve.

Motori, transmisioni dhe sistemi hidraulik funksional**Argumentim:**

Këto janë komponentët kryesorë të buldozerit. Funksionimi i tyre sipas parametrave teknikë minimizon ndërprerjet e punës dhe kostot e riparimit.

Nënkarroceria në gjendje të mirë**Argumentim:**

Nënkarroceria përbën një nga komponentët me koston më të lartë të mirëmbajtjes në një buldozer. Kërkesa që zinxhirët, rrotat mbështetëse, rrotat drejtuese dhe sproketet të jenë në gjendje të mirë siguron jetëgjatësi më të madhe të mjetit dhe shmang investimet e menjëhershme pas blerjes.

Mjeti të jetë gati për përdorim**Argumentim:**

Kjo kërkesë garanton që institucioni të mund ta përdorë menjëherë mjetin pas dorëzimit, pa pasur nevojë për riparime apo investime shtesë.

Garanci minimale 6 muaj

Argumentim:

Garancia minimale mbron autoritetin kontraktor nga defektet e fshehura që mund të shfaqen pas dorëzimit të mjetit dhe detyron operatorin ekonomik të garantojë cilësinë dhe funksionalitetin e buldozerit. Periudha prej 6 muajsh konsiderohet një standard i arsyeshëm për mjete të përdorura të kësaj kategorie.

*Shënim: Përcaktoni specifikimet teknike, për mallrat objekt prokurimi, të cilat duhet të përshkruajnë minimumin ose tërësinë e elementeve më të rëndësishme përbërëse, që garantojnë cilësinë e kërkuar, dhe që i vlerëson mallrat si të pranueshme për funksionet e kërkuara, në përputhje me parashikimet e nenit 4, pika 38/b dhe nenit 36, të LPP i ndryshuar, si dhe nenit 40, pika 2, të VKM nr.285, datë 19.05.2021, “Për miratimin e rregullave të prokurimit publik” i ndryshuar, **duke argumentuar çdo kërkesë funksionale ose performance, apo/dhe çdo standard të kërkuar**, ku çdo referencë duhet të shoqërohet nga fjalët “ose ekuivalenti i tij/saj”.*

Kujdes: Në specifikimet teknike, nëse nuk e justifikon objekti i kontratës, nuk duhet të përmendet asnjë markë prodhimi ose burim specifik apo proces i veçantë, që karakterizon produktet ose shërbimet e ofruara nga një operator ekonomik specifik apo asnjë markë tregtare, patentë, tipi ose origjinë apo prodhim specifik, me qëllim favorizimin ose eliminimin e disa sipërmarrjeve ose produkteve. Një gjë e tillë lejohet vetëm në raste përjashtimore kur nuk ekziston një mënyrë e mjaftueshme, e saktë apo e kuptueshme e përshkrimit të objektit të kontratës, sipas pikës 3 të nenit 36, të LPP, i ndryshuar. Referime të tilla duhet të shoqërohen nga fjalët “ose ekuivalente”

NJËSIA E PROKURIMIT